


wassers gibett / ist es sehr nutz / das man ein solchen zeug auffrichte / nicht allein
vmb des willen / das es keins haspellers bedarff / dem man lohn geben solle / sonz
der auch das es allzeit dem schacht durch die lang gerinne / lufft bringe.

Die hole scheiben A. Sein windloch B. Die spillen derē flügel seindt C.
Sein fürgelege D. Die vndere spillen E. Sein kamprad F. Das rad G.



Der flüglen aber die in formen der ronbeumen oder spillen seindt gschlossen /
vnd halten in sich die scheiben / vnd das geheuß / seindt dreyerley art: die eine
wirrt auß kleinen brettlin hoch vnd breit / nach dem es die höhe oder breite der
scheiben oder des geheusses erfodert. Die andere ist auß brettlin gleich so breit /
aber niderig gmacher / an welche dünne vnd lange spän des Alberbaums / oder
eines anderen zähen baums gschlagenn seindt: die dritte auß gleichen brettlin /
wie die nächste / an welche die flügel der gausen / zweifach oder dreifach gschla-
gen werden / diß ist nicht so gebreuchlich / als die anderen / vnd die an-
dere auch in wenigerm gebrauch dan die erste. Es werden
aber der flüglen brettlin in die gfierte teil
des ronbaums oder spillen
ggeschlossen.

p 1 Die